



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

Broj: 01-9-02-2-3051/23  
Sarajevo, 27.06.2023.godine

**SKUPŠTINA KANTONA SARAJEVO**  
**n/r predsjedavajućeg Skupštine**

**PREDMET:** Odgovor na zastupničko pitanje zastupnika Marjanović Damira-dostavlja se;

**VEZA:** Vaš akt broj:01-04-24618-30/23 od 30.05.2023. godine;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje zastupnika Marjanović Damira, pripremljen od strane Uprave policije Ministarstva unutrašnjih poslova Kantona Sarajevo. Obavještavamo vas da će ministar unutrašnjih poslova putem resornog Federalnog ministarstva pravde inicirati nastavak započetih aktivnosti na izmjeni Zakona o prekršajima FBiH. Rješenjem Uprave policije MUP-a Kantona Sarajevo broj: 02/5-1-30-1-8573 od 06.12.2022. godine imenovana je radna grupa sa zadatkom da prioritarno izvrši revidiranje i analizu Zakona o osnovama sigurnosti saobraćaja na putevima u Bosni i Hercegovini, te u skladu sa rezultatima analize sačini prijedlog Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, br. 06/06, 75/06, 44/07, 84/09, 48/10, 18/13, 8/17, 89/17 i 9/18) sa obrazloženjem, s posebnim akcentom na privremenu mjeru oduzimanja motornih vozila, postupak zadržavanja vozača, definisanje posebne kategorije vozila, kao što su električni romobil, uslovi pod kojim isti smije sudjelovati u prometu, kao i način korištenja istih u saobraćaju, te usklađivanje kaznenih odredbi trenutnoj situaciji, kako bi se propisanom sankcijom ostvarila svrha kažnjavanja. Nakon što je Radna grupa dostavila prijedloge zajedno sa dostavljenim prijedlozima od strane organizacione jedinice Uprave za građanska stanja i pravne poslove, koja je u svom radu uočila nedostatke važećeg Zakona ministar će prijedloge izmjena i dopuna dostaviti resornom Ministarstvu komunikacija i transporta.

S poštovanjem,

**Prilog:**

- Akt MUP, Uprava policije broj:02/1-105/23 od 27.06.2023. godine.
- CD x1.



**Dostaviti:**

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



---

Adresa: Sarajevo, La Benevolencije 16  
Tel: + 387 (0)33 286-701, 286-702,  
Fax: + 387 (0)33 226-445  
Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

27-06-2023

415

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo unutrašnjih poslova  
Uprava policije



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство унутрашњих послова  
Управа полиције

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

**Broj:** 02/1-105/23

**Datum:** 27.06.2023. godine

## MUP KANTONA SARAJEVO

-n/r S e k r e t a r a

**PREDMET:** Zastupničko pitanje zastupnika Damira Marjanovića, odgovor, d o s t a v l j a s e .

**VEZA:** Vaš akt broj: 01-9-02-2-3051/23 od 19.06.2023. godine.

Zastupnik Damir Marjanović u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", br. 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na Osmoj radnoj sjednici Skupštine Kantona Sarajevo, održanoj dana 30.05.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, uputio je zastupničku inicijativu koja glasi:

### Zastupnička inicijativa:

„Podnosim inicijativu da nadležna ministarstva, svako u okviru svojih nadležnosti, pripreme (predlože) usvoje amandmane kojima bi se pooštrile kaznene odredbe Zakona o sigurnosti saobraćaja na putevima u BiH i Zakona o prekršajima protiv javnog reda i mira u KS i drugih relevantnih Zakona, a u smislu uvođenja društveno korisnog rada kao institucije kažnjavanja i ponovne javne edukacije povratnika u kršenju zakonskih odredbi, te klasificiranja velikog prekoračenja brzine u naseljenom mjestu kao naročito drskog ponašanja koje se ogleda u ugrožavanju sigurnosti ostalih učesnika u saobraćaju i pokušaja ubistva.“

### Obrazloženje:

„Usvajanje amandmana je neophodno kako bi zakonska regulativa postala efikasnija u borbi protiv nesavjesnih vozača, „trkača“ i povratnika u činjenju navedenih prekršaja.

-Uvođenje društveno korisnog rada i ponovna edukacija povratnika u kršenju zakonskih odredbi imaju višestruku ulogu. Pored koristi za društvo koju bi imali društveno korisnim radom povratnika u činjenju prekršaja, rasteretio bi se pravosudni sistem, a prekršioc bi se demotivisali za ponavljanje istih ili sličnih prekršaja. S druge strane, ponovnim javnim edukacijama navedena lica bi se također demotivisala od ponavljanja prekršaja, a navedene edukacije bi se mogle vršiti u saradnji sa školama (npr. saobraćajne sekcije i sl) gdje bi učenisi bili predavači. Na taj način bi se kroz edukaciju mlađih naraštaja u školama stvarale nove generacije društveno odgovornijih



građana. U ponovnu javnu edukaciju bi svakako trebalo uvrstiti i pješake, kao najstarije sudionike u saobraćaju, imajući u vidu da i njihovim nepoštivanjem signalizacije dolazi do nesreća, koje često kao rezultat imaju tjelesne povrede, pa čak i smrtni ishod.

-Novom klasifikacijom bi se otvorila mogućnost zapljene vozila kao predmeta izvršenja djela do okončanja postupka.

-Mjere trebaju biti usmjerene na prekršioce i povratnike u činjenju prekršaja, te u prevenciji kroz edukaciju. Smatramo da mjere usmjerene linearno prema svim učesnicima u saobraćaju (npr. smanjenje brzine) mogu imati samo negativne efekte.“

### **Odgovor:**

Tokom 2017. godine od strane federalnog ministra pravde Federacije Bosne i Hercegovine oformljena je Radna grupa koja je sačinila Nacrt zakona o izmjenama i dopunama Zakona o prekršajima Federacije Bosne i Hercegovine. Na osnovu ovog Nacrta Vlada Federacije Bosne i Hercegovine je utvrdila Prijedlog navedenog Zakona uputivši ga u parlamentarnu proceduru u skraćenom postupku, koji je potom usvojen 2019. godine u Predstavničkom domu Federacije Bosne i Hercegovine, ali koliko nam je poznato, nije stavljen na dnevni red ili nije usvojen u Domu naroda Federacije Bosne i Hercegovine, što se može provjeriti. U radu navedene Radne grupe učestvovali su predstavnici Federalnog ministarstva pravde Federacije Bosne i Hercegovine, Porezne uprave Federacije Bosne i Hercegovine, sudije nadležnih općinskih i kantonalnih sudova u Federaciji Bosne i Hercegovine, kao i predstavnici određenih kantonalnih ministarstava unutrašnjih poslova, među kojima je bio i predstavnik Uprave policije Ministarstva unutrašnjih poslova Kantona Sarajevo. Tom prilikom su inkorporirane i odredbe koje se odnose na novi koncept „prinudne naplate novčanih kazni, troškova postupka i drugih mjera izrečenih prekršajnim nalogom ili putem sporazuma o sankciji“ i uveden je novi institut „zamjene novčane kazne u kaznu zatvora“, a potpuno je napušten koncept „lišenja slobode zbog neplaćanja“.

Također, kada je u pitanju primjena drugih zakona, kao što su Zakon o osnovama bezbjednosti saobraćaja na putevima u Bosni i Hercegovini, Zakon o poreznoj upravi Federacije Bosne i Hercegovine i drugi propisi, smatramo potrebnim da se izvrši analiza istih, a sve u cilju donošenja odgovarajućih rješenja koja bi otklonila određene nejasnoće i time se doprinjelo efikasnijoj primjeni zakona i podzakonskih propisa u cilju sankcionisanja počinitelja prekršaja i sprečavanju istih da izbjegnu sankciju, odnosno plaćanje novčanih kazni.

S tim u vezi, smatramo da je potrebno formirati novu Radnu grupu u koju je potrebno imenovati predstavnike gore navedenih ministarstava, uprava i sudova, a koja bi izvršila analizu ranije predloženih rješenja, uvažavajući uočene nedostatke u dosadašnjoj primjeni Zakona o prekršajima Federacije Bosne i Hercegovine i drugi zakona i podzakonskih propisa koji su u međusobnoj vezi, te predložila odgovarajuća rješenja, odnosno izmjene i dopune zakona i podzakonskih propisa, u čiji sastav predlažemo i predstavnika Uprave policije Ministarstva unutrašnjih poslova Kantona Sarajevo.

S poštovanjem ,

